



# Synfocity = 747

mail us at : [mzsynfo@gmail.com](mailto:mzsynfo@gmail.com); [mizoramsynod@gmail.com](mailto:mizoramsynod@gmail.com) - Phone - 2314648

August 22, 2019

- ❑ **Counselling Training wawi 31-na**

Mizoram Synod, Family Guidance & Counselling Centre-in Kohhran hruaitute puala Church Leaders' Intensive Residential Pastoral Care & Counselling Training wawi 31-na, August 7, 2019 aṅanga Synod Conference Centre-a a buatsaih chu August 20, 2019 (Thawhlejni) zan khan Final Evaluation & Graduation Service neiin khar a ni. He hun hi Rev. B. Sangthanga, Executive Secretary i/c FG&CC chuan hmanpuiin Training chhuak mi 32 te hnenah Certificate a hlan.

Training kharna inkhawm hi Rev. Lalsangbera, Director, FG&CC-in a kaihruai a, Resource Person zinga mi Rev. Lalrinmawia chuan inlawmna leh lawmthu sawina hun hmangin, Training chhuakten an hlawkpui dan a lema ziakin an entir a, Upa H. Lalbiakthanga, Sihphir Vengthar chuan training chhuakte aiawhin thu a sawi a, Mission Vengthlang Pastor Bial Zaipawlte tum hnih zaiin, Upa R. Lalmalsawma, Com. Member, FG&CC chuan Training chhuakte a tawngtaisak a ni.

He hun hmanpuitu Rev. B. Sangthanga chuan thu sawiin, tunlaia kan ram dinhmun thlirin Kohhranhoten kawng tinrengah tan kan lak a ngaih thu a sawi a. Chumi atan chuan Training chhuakte pawh chuan an thil zirte tṅangkai taka hmang turin a fuih a ni.

FG&CC hian kum tinin Counselling Training hi tum thum a buatsaih thin a. Kohhran hruaitute puala wawi 31 a buatsaih tawhah mi 650 training chhuak awm tawhin, Pastor puala wawi 28 a buatsaih tawha Pastor 479 training an awm tawh bawk.

Tunah hian Synod hian Counselling Centre hmun 8-ah neiin, July 31, 2019 thlenga pantu an neih tawh zat chu mi 27,452 an ni a, kumin bika pantu an neih tawh zat chu 2,713 an ni bawk.
- ❑ **Synod Mission Board leh ram pawn chet velna chanchin tlangpui**
  - ◆ **Field Committee**

Aug. 20 - 30, 2019 chhung hian Field hrang hrang Arunachal & Assam Mission Field - East, North leh West- ah te Field Committee neiin Synod Moderator Rev. R. Lalhmingthanga, Executive Secretary Rev. K. Lalrinmawia leh Rev. R. Lalnuntluanga, Committee member te an kal.
  - ◆ **Assam Mission Field**

Aug. 18, 2019 khan Japoubari, Tezpur Bialah puitling 2 leh Jorhat kohhranah puitling 1 leh naupang 1 Lal Isua zui turin an inpe.
  - ◆ **Barak Area (Silchar)**

Aug. 18, 2019 khan Motinagar Preaching Station-ah ringthar 4 puitling 2 leh naupang 2 leh Dibong Kohhranah hmeichhe tleirawl 1 ten Lal Isua zui turin an inpe.
  - ◆ **Patna Mission Field**

Aug. 18, 2019 khan mi 2 (Nutling 1 leh Naupang 1) in Lal Isua zui turin an inpe.
  - ◆ **Arunachal & Assam Mission Field (East)**

Aug. 17, 2019 khan 10th Mile Preaching Station-ah ringthar 5 (Puitling 2 leh naupang 3) ten Lal Isua zui turin an inpe.
  - ◆ **Arunachal & Assam Mission Field (North)**

Aug. 18, 2019 khan Gandhi Market, Daporijo Bial-ah ringthar 1 in Lal Isua zui turin a inpe.
  - ◆ **Masihi Sangati**

Champhai Area Meet Masihi Sangati neih zawh takah Aug. 18, 2019 khan mi 64 in Lal Isua zui turin an inpe.
- ❑ **Education**

Aug. 20 - 24, 2019 chhung hian PES Programme-in Sazep leh Khawkawn leh PES paruk tlawhin Pu P.C Vanlalhruaia, Supervisor of Schools a kal.
- ❑ **Revival**

Aug. 20 & 21, 2019 hian Kanghmun Kohhran Pavalai Pawl Rising Day hmanpuiin Revival Director Rev. K. Rolungmuana a kal.

☐ **Worship**

- ♦ Aug. 21 - 23, 2019 chung hian New Serchhip Bialah Conductor training neihpuiin Pu H. Lalrinmawia, Instructor a kal.
- ♦ Residential Choir Conductors' training Aug. 26 - 31, 2019 chung hian neih tur atana training-a tel tur thlante website [www.mizoramynod.org-ah](http://www.mizoramynod.org-ah) en theih a ni.

☐ **Central KṚP**

- ♦ Central KṚP-in Kristian Ṭhalai Chanchinbu kum 50 tlin puala Inter Branch KṚP Quiz a buatsaih chu zanin (Aug. 22) aṭang hian Dawrpui Kohhran Centenary Hall-ah Semi Final intihsiak ṭan a ni dawn ta.

Inter Branch KṚP Quiz-ah hian Branch hrang hrang aiawhten July thla khan Elimination Round an nei tawh a, chuta a ti ṭha Branch 20 ten zanin aṭang hian Semi Final intihsiakna hi an hmachhawn dawn a ni. Semi Final hi zan dar 6:00-a ṭan tur a ni a, KṚP chanchin, Presbyterian Kohhran chanchin, Kristian Ṭhalai chanchinbu leh Bible thu aṭangtein zawhna a kal ang a. Semi Final-a lutte hian anmahni Branch aṭangin ṭawiawmtu mi 20 aia tam lo ṭheuh an nei theih ang.

Semi Final-a a ti ṭha Branch pangaten Final an lut ang a, Final hi Zirtawpni zanah neih leh tur a ni. Final-ah hian ṭawiawmtu mi 50 aia tam lo an nei theih thung ang.

Quiz-ah hian pakhatnain Rs. 1,00,000; pahnihnain Rs. 40,000; pathumnain Rs. 20,000 an dawn bakah trophy leh citation an dawng vek bawk ang a. Palina leh panganain Rs. 5,000 ve ve bakah citation an dawng ang a, Semi Finalist ten Rs. 2,000 leh citation an dawng bawk ang. Final hi zan dar 7-a ṭan tur a ni a, Hruaina Eng channel-ah LPS - 123 leh Zonet - 12-ah Live-a tihchhuah tur a ni.

- ♦ Aug. 24 - 26, 2019 chung hian Khawzawl Vengsang Branch Golden Jubilee lawmna hmanpui turin Central KṚP General Secretary T.Upa Rochungnunga leh committee member Pu C. Malsawmtluanga te an kal ang.

☐ **Thawktu thar**

Synod Service Board 32:3(ii) of 19.8.2019 chuan Presbyterian Bible School, Mission Veng leh Masihi Sangati Kendra, Bawngkawn a Peon cum Chowkidar (Contract) hna thawk turin a hnuai mite hi a la thar a, Sept. 2, 2019 aṭangin an hna an zawm ang.

**Hming**

1. Malsawmdawngliana Khiangte s/o K. Laihnuna (L)  
Zemabaw North Field Veng
2. R. Lalthianghlina s/o R. Lalthmingmawia  
North Lungleng

**Thawhna tur**

- Masihi Sangati Kendra, Bawngkawn  
Presbyterian Bible School, Mission Veng

☐ **Central Kohhran Hmeichhia**

Aug. 20, 2019 khan Lungdai Bialah Kristian Chhungkaw Seminar neihpuiin Central Kohhran Hmeichhe Committee member-te Pi Lalremruati, Pi Sailothangi leh Pi H. Lalrintluanga te an kal.

☐ **Prison Ministry**

Aug. 21 - 25, 2019 chung hian Lawngtlai District Jail-ah Crusade neiin Prison Ministry Director Rev. R. Lalvulluaia leh Synod Revival Speaker Upa C. Zosangliana leh a Team te an kal.

☐ **Hruaina Eng FM Radio**

- ♦ **AUGUST 23, 2019 (FM Zoawi Aizawl @ 7:30 p.m.):**

**Solo** : Rebecca Lalmuanpuii - Hnehna Hla mawi  
**Thusawi** : T.Upa Lallianmawia - Krista Chanchin Ṭha puandarh  
**Zaipawl** : Kulikawn Bial Zaipawl - Pathian hnaih hi a ṭha a ni  
**Kohhran Rawngbawlina hrang hrang**

- ♦ **AUGUST 23, 2019 (FM Zoawi Lunglei @ 7:30 p.m.):**

**Solo** : Rebecca Lalmuanpuii - Hnehna Hla mawi  
**Thusawi** : T.Upa Lallianmawia - Krista Chanchin Ṭha puandarh  
**Zaipawl** : Kulikawn Bial Zaipawl - Pathian hnaih hi a ṭha a ni  
**Kohhran Rawngbawlina hrang hrang**

☐ **Hruaina Eng TV Programme**

♦ **AUGUST 25, 2019 (Tv Programme) @ 4:00 - 6:00, 8:00 - 9:00 p.m :**

Sawihona : Social Media leh Zirlaite

Sermon : R. Lalnunkima - Thlan loh Kraws kawng

Weekly Round Up

KTP Kumpulan Film 2019

**Susamachar Prasaran Programme**

♦ **AUGUST 25, 2019 (Pathianni) 5:00 pm. :**

**Group/Choir/Solo** : Durtlang Kohhran Masihi Sangati - Halleluia Stuti

**Group/Choir/Solo** : Chanmari Masihi Sangati - Jisu Tomai

**Sermon** : Zohmingthanga - Prabhu Yesu Hamare Vishram Sthal

**Group/Choir/Solo** : Hmingtea Tochwawng - A nugra ha kari

**Group/Choir/Solo** : Chhinga Veng Bial Masihi Sangati Zaipawl - Teri Stuti Mein Karun

☐ **Moderator leh Executive Secretary-te Programme:**

**Rev. R. Lalhmingthanga : Moderator**

Aug. 20 - 30, 2019 Arunachal & Assam Mission Field (East/ North/West).

**Rev. Lianhmingthanga Sailo : Senior Executive Secretary**

Aug. 29, 2019 PBS Graduation.

**Rev. B. Sangthanga : Executive Secretary**

Aug. 27 - 30, 2019 North East India Translations Advisory Committee (NEITAC) meeting, Guwahati.

**Rev. K. Lalrinmawia : Executive Secretary**

Aug. 20 - 30, 2019 Arunachal & Assam Mission Field (East/ North/West).

**HRIATTIRNA**

**Tihdikna :**

Kumin Puitling Sunday School zirlai 32-na Sept. 1, 2019 a zir tura ruahman Chanchin Tha hrilh leh Thlarau Thianghlim tiha Bible chang chhiar tur Luka 4:18-22 hi telh loh tur a ni e.

**SYNOD SOCIAL FRONT HRIATTIRNA**

Synod Social Front lekhhabu/Booklet buatsaih, heng a hnuai tarlan te hi a mamawh Kohhran chuan Synod Social Front Office-ah a lam theih e.

1. Drama leh Film Tha Siam kawnga Kaihhruaina
2. Environment Humhim
3. Hnathawhna Hmuna Mipa leh Hmeichhia
4. Khawtlang Nun hruaina
5. Kristiante leh Ram Rorelna
6. Mahatma Gandhi National Rural Employment Act Zirchianna
7. Media-in a tha lo zawnga nun kaihhruaina dan zirchian
8. Mizorama Methamphetamine (ATS) chungchang zirzauna
9. NLUP zirchianna
10. Rinawmna
11. Survey Report on Rangvamual leh Phunchawng
12. Synod Social Front Handbook

*Sd/-*

**(Rev. K. Lalrinmawia)**  
**Executive Secretary**  
**i/c Social Front**